

Poziv za

Program finansiranja projekata smanjenja potrošnje energije i korištenja obnovljivih izvora energije kao mjere energetske efikasnosti u javnom i privatnom sektoru kroz Revolving fond



Tuzla 18. oktobar 2018. – Hotel Tuzla
Bijeljina: 19. oktobar 2018. – Hotel Drina
Banja Luka: 25. oktobar 2018. – Hotel Vidović
Bihać: 26. oktobar 2018. – Hotel Emporium
Zenica: 30. oktobar 2018. – Hotel Dubrovnik
Trebince: 02. novembar 2018. – Gradska uprava Trebinje
Međugorje 08. novembar 2018. – Etno selo Herceg
Mostar: 09. novembar 2018. – INTERA Tehnološki Park
Teslić 15. novembar 2018. – Hotel Kardial
Sarajevo: 16. novembar 2018. – Hotel HILLS Sarajevo

Poštovani/a,

Od 2013. godine Razvojni program Ujedinjenih nacija (UNDP) daje značajan doprinos u promicanju energetske efikasnosti (EE) i obnovljivih izvora energije (OIE) u BiH kroz projekat Zeleni ekonomski razvoj, zahvaljujući finansijerima projekta, Vladi Švedske, Fondu za zaštitu okoliša FBiH i Fondu za zaštitu životne sredine i energetske efikasnosti RS, te saradnji sa Ministarstvom vanjske trgovine i ekonomskih odnosa BiH, entitetskim ministarstvima prostornog uređenja, kantonalnim ministarstvima, jedinicama lokalne samouprave i drugim partnerima.

Implementacijom 137 infrastrukturnih projekata i primjenom EMIS-a (informacioni sistem za upravljanje energijom) u više od 5000 javnih objekata, postignuti su višestruki benefiti u pogledu smanjenja emisija štetnih gasova (11.300 tona CO₂ na godišnjem nivou), unapređenja energetske efikasnosti javnih objekata smanjenjem potrošnje energije za preko 50%, unapređenja energetske efikasnosti sistema javne rasvjete, povećanja svijesti javnosti, kreiranju povoljnog ambijenta za ulaganje u infrastrukturne EE mjere uz istovremeno kreiranje preko 1700 „zelenih radnih mjesta“ i reinvestiranja postignutih finansijskih ušteda (godišnje uštede u javnim budžetima od preko 4.000.000 KM) u nove aktivnosti.

Projektne aktivnosti usklađene su sa smjernicama Evropske unije (Direktiva energetske usluga, EPBD direktiva) i Ugovorom o uspostavljanju Energetske zajednice, kao i obavezom BiH da izvještava o trenutnoj potrošnji energije i energetske efikasnosti u skladu sa Akcionim planovima energetske efikasnosti.

Fond za zaštitu okoliša FBiH i Fond za zaštitu životne sredine i energetske efikasnosti RS su kroz tehničku asistenciju UNDP-a i projekta "Zeleni ekonomski razvoj", radili na uspostavi Revolving fonda za finansiranje projekata potrošnje energije i korištenja obnovljivih izvora energije kao mjere energetske efikasnosti.

Uspostavom navedenog finansijskog mehanizma specijaliziranog za finansiranje jasno definiranih vrsta projekata, stvara se mogućnost značajnog promicanja energetske efikasnosti i obnovljivih izvora energije u javnom i privatnom sektoru.

U svrhu jačanja kapaciteta, uz profesionalno osposobljavanje i usavršavanje svih zainteresiranih korisnika i aplikantata sredstava putem Javnih poziva iz Revolving fonda, imamo čast najaviti realizaciju jednodnevnog programa stručne edukacije namijene Općinama/Kantonima, predstavnicima javnih objekata, komunalnih preduzeća, te malih i srednjih preduzeća.

Ovim putem, pozivamo sva zainteresovana lica javnog i privatnog sektora da uzmu učešće na
jednodnevnoj stručnoj edukaciji pod nazivom:

PROGRAM FINANSIRANJA PROJEKATA SMANJENJA POTROŠNJE ENERGIJE I KORIŠTENJA OIE KAO MJERE EE U JAVNOM I PRIVATNOM SEKTORU KROZ REVOLVING FOND

Organizatorski okvir Programa čine UNDP u partnerstvu sa Fondom za zaštitu okoliša FBIH, Fondom za zaštitu životne sredine i energetske efikasnosti Republike Srpske, Privrednom/Gospodarskom komorom FBIH, Privrednom komorom Republike Srpske, Vladom Švedske, Udruženjem termoenergetičara BiH, uz podršku Saveza gradova i općina FBIH, Saveza opština i gradova RS i tehničkom asistencijom organizacija CETEOR Sarajevo i CRP Tuzla.

Kroz jednodnevni stručni program, svim zainteresiranim licima će se ponuditi stručno osmišljen program o metodologiji apliciranja projektnih prijedloga putem Javnih poziva, kroz konkretne primjere i tematske oblasti relevantne za sticanje uslova dobivanja sredstava iz Revolving fonda, potrebnih za implementaciju mjera energetske efikasnosti i obnovljivih izvora energije, vođen od strane renomiranih stručnjaka iz ove oblasti.

Učesnici su **oslobođeni kotizacije**, uz napomenu da je broj učesnika Programa ograničen; s toga Vas molimo da se putem obrazca za prijavu, pravovremeno registrujete i to na:

dzjusufovic@ceteor.ba ili fax: 033 205 725

U prilogu Poziva dostavljamo *Dnevni red Programa*, sa tematskim sadržajem i planiranom satnicom¹.

Više informacija o samom Programu, kao i o svim ostalim administrativnim pitanjima, možete dobiti na:

Kontakt osobe

Džana Jusufović, **CETEOR Sarajevo**
Tel: (033) 563 586
dzjusufovic@ceteor.ba

Darko Tišma, **CRP Tuzla**
Tel: (035) 248 340
darkot@crp.org.ba

S poštovanjem,

Organizatori Programa: CETEOR Sarajevo/CRP Tuzla

Prilog:

- Dnevni red Programa; Prijavni obrazac

¹ Organizator zadržava pravo izmjene satnice